

Jekabaara

Jamana



World Vision

Cikela ceman n'a musoman kumnafoniseben
a los ba kalo o kalo
Jamana baareeda la BP 2043 Bamako (Mali)

Dantigelian

Nin kɔni keran bolo ladako ye sa, san o san, kalo fɔlɔ kɔnɔ, ka foli ni taanuni lase an Kokɔnjɔgɔnw ma : cikelaw, cikebaaradaw, balikukalan-den joolen, səbennikelaw, Jekabaara kalanbagaw ceman n'a musoman. Jinan fana, an tena tó lada latilenbalı ye, barisa « dugu kelen mume wulili kafisa sira bee fe ni lada juman kelen wulili ye ». Jinan 2004 san kura kalo fɔlɔ in na, dɔ be fara an ka maa fotaw kan, n'olu ye je nɔgɔn kuraw ye bankaseben temena Jekabaara ni minnu ce ka ban, anà bera teme a ni minnu ce, CMDT mara woɔrɔ bee kɔnɔ, ani yɔrɔ werew. An ka foli be lase ninnu bee fana ma. An bee ka ke kulu kelen kɔnɔw ye, barisa o jelen de wulikan be bii fɔ. Ala ka san kura here caya duw kɔnɔ ; ganw kɔnɔ ; sigidaw kɔnɔ ani cakeyɔrɔw la. Aw bee sanbee-sanbee !

Tumani Yalam Sidibe

An k'an ka « AW » ka sɔrɔw labaara

ne 4 ni 10 nan



Malosene te bi ko ye Segu mara la

ne 9 nan

Segu Jarafanga kuntaalaw

ne 5 nan

Jekabaara feerelijekulu sigira sen kan

ne 3 nan


Nsiirin Nanbaratɔ fila

ne 12 nan

"Kalan be mɔgɔ sɔn hakili la, nka kumnafoni be mɔgɔ bɔ kunpan na" Yɔrɔ Ulen Sidibe

Bilasiralifoli

Jekabaara sebenjekulukuntigi, n'a sebenjekulu mogo bee nisondiyalen de ya men k'u jenogon CMDT dakun na, no yan balimake Usumani N. Trawele ye, ko joyero sankerotara. Kabi san 2003



Usumani N Trawele

nowanburukalo la, a sugandira CMDT jemaada fe ka ke Fana cikemarakuntigi ye. Nka, sanni o ce, ale de tun ye CMDT kalankuntigi ye CMDT jemaayada la Bamako.

Usumani N. Trawele joyero bonyana haali jekabaara jedako la CMDT keno. I na fo Usumani Z. Trawele, Mamadu Yusuf Sise ani Dawuda Mace Dapo, ka fara Zan Dosayi Jara kan, Usumani N. Trawele fana ya ninyoro wagabé ke jekabaarako la CMDT keno. O kanma, an be taasibila ke ana ka denbaya taayoro juman ka ke Fana ye.

Hali yen fana, an ba jini Usumani N. Trawele fe a ka jekabaarako to a kun koro.

A kana ko ke a senkorefen ye.

Usumani N. Trawele nonabilaga fana te maa donbali ye jekabaarako la. Ce min bena no na Bamako, o ye karamago Drisa Jalo ye, no tun ye kalafakuntigi ye Sikasso CMDT cikemara la. A fana ka wu-

likajo ma kotege sanga ni waati si Jekabaara koredonni na CMDT keno. An hakili ba la ka ka Bamako nali in bera ke sababunuman ye ka do fara Jekabaara sanga kan CMDT keno. O kanma, an ba bisimila ko : Jalo, i dansee ! Ne jigintan te sunogo. Awa adamaden dembaa de ya jigi ye. An ba jini Jalo fe a ka ke Jekabaara lafasabaga ye CMDT keno, anw ni olu ani cikelaw bee ka nafa kanma. Jekabaara foro jiritigew ana gungurunbow kera a jemaaw fe, o kanma an ba jini jenogon Jalo fe a ka foro in nogoce kekojuman ke walasa a kalanbagaw be tonoba bo a la an ka cikeduguw keno. Trawele ni Jalo, o ye sanga taara sanga nana ye. Ayere misali bo ni san ce, barisa, hali ka to fana cikemara kun na, Usumani Nuhun Trawele ninyoro be Jekabaara laseko juman na CMDT keno. O kanma, an be dugawudon ke sigiko juman na nin maa fila bee ye, u taayoro kuraw la. Ala k'u ni maaw kanben, k'u bolo meen u ka baara la. Ala kan ni u to jenogon jigiw ye. Ko maa t'i to jiri la ka jiri lasoro, nka i bi to maa la ka maa lasoro. O de kanma, nin sirajuru kelen in fe, an ka foli be se Jekabaara kalanbagu bee ma : CMDT, Ofisi-iri, OHVN fo ka se Birigokaw ma. An ba jini u fe u ka do fara cesiri kan Jekabaara kalanni na konfereew la baarali la. No kera anw ka lajiniba do be sabati, no ye daamu seroli ye kalan ni kunnafoni na.

Tumani Yalam Sidibe

Birisajaami

Ko si nafantan te
Dijesigi bi ko misigenna ta :
A be waati min ke tile san sunogo la

A bo de segen ke
Taayoro caman kan misiw dontuma.

Foyi gansan te
Den min be wolo bi
I ka don o jinina kunu de
Awa, den min be sa bi
O balola kunu de.

O kanma,
Kumadonsow ko dije ye bilisajaamiso ye.

Ni foyi te kufeko ye,
Foyi fana nanyeremako te.

Konobaara te fa
Farikolo ka lamaga ko
Awa foro diya na goya
Ju be sanji la,
Ka sindi ke cikela dusu la
Ka jefocogo ke dugukolo cogoya ye.

Dije,
Birisajaami dere
Nan ban wolotuma don.
An tan satuma don.
O kanma ne ko n te sa
Barisa tije te waatidambali la !
O kanma, ka ne galabu seememato

Ne be girin fen bee nofe
Walasa ka fen do soro waati bee.
Ni bi ma dije da Ala bolo
Don o don keni ye dije damine ye.
Barisa
Labanbalidon ye kodamine don ye.

Tumani Yalam Sidibe


Hakilisenekene

Wajibi fila de be koro kan a degoninw lardonko juman na ; natabaya ma jin koro la cogo min nogolawuluya fana bennen ta la o cogo kelen na. Sanni i ki dagow kele u ka bonyantany la i fan fe, i yere kele i temesira kanma u fan fe.

Tumani Yalam Sidibe

An ka jekabaara kalan

Jekabaara ye kunnafonisèben ye min jeyoroba be anw cikèlaw ka faamuya sèrèli la dijenatige taasira jenjènw kan. O kanma, an ka kan kà kalan. An ka kan ka jekabaara kalan kà kònòkow mata rafa. Jekabaara kònò, an be yorò werew kunnafoni sòrò, kà dòn baara be ke cogo min na o yoròw la, an'u be nafa min sòrò o la. O bà to an fana be se kàn yere sanga u ma. Dijè kònò, ni sangajègèn te maa o maa la, o tigi te taa ne barisa keta bëe ka ni ale bolo. Sangajègènma de bà to mögò bà dòn k'i be baara min na kò be ka ke a ñemá. N be misali ta an ka këorisénénaw kan, i nà fò Kucala nà ñögönnaw. Hali sigida ji sigidaw tònòbècogo nakèsene siratege la. An bà mën cogo min na, baaraw kecogo te kelen ye Biriko mara nò yorò tòw kònò. Furancé jan de bân ni u ni ñögòn ce. Jekabaara kunnafonisèben de dun bëna a to an nò yoròw bëna bò ñögòn nunma baara këko ju man siratege la. O de kanma ne nisondiyalen be ni jekabaara ka Biriko mara lasoroli ye. Ala kà ko ke ñetaako ye. Ala ka barika don a ko la. N bà jini



Makònò komini meri Akara Sisoko (jalatigi) n'a baarakè ñögönnaw

jekabaara sèbenbagaw yere fana fe u ka se an ma waati ni waati walasa kàn fana ka duguw nàn ka komini kònò kunnafoniw ta k'ù jensen, walasa yorò were maaw fanà be bò an kalama.

Akara Sisoko
Makònò Biriko meri.

Dugawudon

An ka temeni waati makònò dugu kònò, an yà sòrò yen meri, nò yàn balimake Akara Sisoka ye, moto kasaara degun tun bi kan a sen ta fan fe. An be dugawdon kà ye Ala ka sendimi in ban teliya la, kà segin a yere ma.

Jekabaara

Taama nafama

Jekabaara kunnafonisèbe ka taabolo kura hukumu kònò, sèbenjekulu maa dò, nò ye Tumani Yalam Sidibe ye, ani Jamana baarada jagokow baarabolo ñemaa, Mamudu Sidibe, olu bisimilara CMDT cikemara ñemaaaw fe Sikaso : densaburukalo tile 18 ka sà tile 20 ma, san 2003. Taama in këra sababu ye Sikaso CMDT cikemara cikekafo saba cikèlaw ni taamakelaw ka ñögòn sòrò ñögonye senfe min kuncera benkanseben bolonobila kan Jamana baarada ni ñena, Sikaso ani Klela cikekafow tègòla cikèlaw ce. O siratege la, olu bëna kë Jekabaara ni Jamana baarada bamanankan gafe tòw bëe gansebagaw n'u feerebagaw ye u ka sigidaw ño. Fen min ye cikekafo tò fila ye, minnu

tègòlamögòw tun te kene kan (Kijan ani Kajolo), Sikaso CMDT eikelaw bilasira baara bolofara ñemaa, Isa Sidibe, yà jira k'ù be feere bëe sigi sen kan waatinin kònò, walasa baara in kana damine u kò. Ñögonye in baara bëe kera Sikaso CMDT cikemara kalan-fakuntigi ñena, nò yàn balimake Drisa Jalo ye. Maa kofòlen ninnu de ye Jekabaara tègòlamaaw y'u ka sigidaw kònò. Wulikajò in ñögönnna bëna kë CMDT mara tòw bëe kelen kelen kònò waati nataw la. (Kita, San, Buguni, Fana ani Kucala).

**Maa minnu tun be kene kan,
cikemaraw tògo la**

- 1 Karimu Kulibali, ka bò ñena
- 2 Mari Sangare, ka bò ñena

3 Abuduli Karimu, Togola ka bò Klela.

4 Jiburulu Trawele, ka bò Klela

5 Lasina Kone, ka bò Sikaso

6 Mamadu Samake, ka bò Dandereso

7 Musa Jamutene, ka bò Dandereso

8 Umaru Berite, ka bò Nkurala.


Sikasosira yefenw

Aa ! Kungojeni be sanga la sira in kan dere. O dun ye fan ye min be mögò nisogoya barisa an ka jamana sòrò mayoroba dò ye Sikaso ye. Ni nin ko tord sen na, an be t'an ko min ani kàn ja min ?

Tumani Yalam Sidibe

An k'an ka « AW » ka sərəw labaara

Bi bi in na, kəərisenemara « AW » (duguyiriwatənw) bə baara caman ke, minnu bə ke sababu ye ka nafolo caman lase u ma. Nka, waati caman na, o sərəba labaracogo bəna ni fonəgənkow ye, minnu caman bə se ka na ni « AW » yərə cili ye. O de kanma nin jemukan in kənə an bə ladilikanw di walasa nafolo sərətaw bə don u donda lakika fe « AW » jəmaaw ka kan ka faamuyakalansenw sərə minnu bə tali ke sərə labaaracogo juman kan. O b'u kisi filisiraw ma minnu bəna ni nafolo tijəni ye. O feere taabolo fələ ye ko :« AW » kun, ka sərə a ma ke sojəniwale ye. Misali la, dugu kənə kəəri peselen girinya ka kan ka yələn izini pənbasikili la. O ye « AW » ka nafolo sərəsira ye. Nka, ni peseli kəcogo juguyara dugu kənə, o bə se ka na ni girinya binni ye. O bə « AW » ka sərə bin, ani cikelaw yərə ta. O de kanma, an bə jini cikelaw yərə fe



u ka dəməjəgənya jini sanga ni waati bəe u ka moniteri fe, (CMDT ka lasigidenw), peseliw hukumu kənə. O bə to u bə faamuya sərə ka tə fe.

« AW » jəmaaw ka kan ka baara ke jelenya la « AW » ka sərəw labaariali siratege la. O bə to danaya bə barika u ni « AW » təndenw ce. N'u y'u sendon sigida musaka labaara baarada taabolo la, o bəna nō danaya keli ye ka sira

sərə, barisa o baarada segesegelikela bə bə u ka baara bəe kalama. O kəfe, « AW » ka baara ketaw bəe ka kan ka dantige asanbile zenerali senfe.

« Aw » ka nafolo ka kan ka lamara BNDA walima kafo jigne kəntu də kənə. Wari labəli bə ke ka bən boloda ma asanbile zenerali jama bənna min kan san baara taabolo kənə.

- Fen min ye sugulabaara wariw sərətaw ye, olu minnu ye « AW » ka sərəda belebele ye, o wari bə musaka nin siraw de fe.

- « AW » labarawari : %20
- « AW » ka ko waleyataw : %30
- Sannifeere maaw sara : %50.

- **Kələsili** : sugulabaara sara bə dərəmə 1080 de ladon « AW » kun kəəri koloma təni kelen-kelen bəe la.

« AW » minnu sen bə sigida musaka baaradako la, olu bə dərəmə 100 fana sərə kəəri koloma təni kelen kelen bəe kanma, u

A to bə je 10 nan kan



Segu Jarafangaw

An ka jamana kənə, barikaba bə Segu tarikuw la, k'a masərə fanga taasenw yera yen minnu ye maaw nefə, n'u jəgən ma ye yərə caman. Nka, n'an ye hakilijabə ke ka jəsin Segu fangaw ma, an b'a sərə k'a bə tali ke bolo saba kan : ka kən Bitənfanga jə ;

ka se Bitənfanga ma, ka na laban Bitənfanga kə ma. O b'a jira ko Segufangaw bəe jəbere ye Bitən Mamari Kulibali tile de ye. Nka, ni Biton ye Segu ke Segu ye, i k'a dən Segufanga təgə dira Ngolo Jara n'a bənaw de fe de. O de kanma, an ka gafekalanw senfə, an bora jətaa kunnafonisəben bəko 14

nan kan, san 1987 Zuluyekalo boko. O kənə, an bora an bali-make Denba Konəré ka lase də kan, min nafa bonya kosən, an y'a kanu k'a don Jekabaara bəko in kənə, aw kanma. Denba Konare ka lase in bə Segu jarafangaw temesiraw de kan. An hakili la a bəna aw nafa.

Tumani Yalam Sidibe

Jaraw ka fanga, Segu

Jara caman sigira fanga la Segu.

Ngolo Jara

A sigira fanga la kabini san 1766, fo san 1787. A ye san 21 ke fanga la.

2) Nanankərə Jara

Ngolo Jara den don. A sigira fanga la kabini san 1787 fo san 1792. A ye san duuru ke fanga la.

Mənzən Jara

Makərə, na tun bə wele Mənzən Jara, Ngolo den don. A sigira fanga la kabini san 1792 fo san 1808. A ye san 16 ke fanga la.

Da Mənzən Jara

Da Mənzən Jara ye Mənzən den ye. A sigira fanga la kabini san 1808 fo san 1827. A ye san 19 ke fanga la.

Cefolo Jara

Mənzən denfələ den. A sigira fanga la kabini san 1827 fo san 1839. A ye san 12 ke fanga la.

Jnenəba Jara

Mənzən den don. A sigira fan-

ga la san 1839. A ye kalo 9 doron de ke fanga la.

Kirango bə jara

Mənzən den don. A sigira fanga la kabini san 1843 fo san 1849. A ye san 6 ke fanga la.

Nalomakuma Jara

Mənzən den don. A sigira fanga la kabini san 1849 fo san 1851. A ye san 2 ke fanga la.

9) Masala Denba Jara

Mənzən den don. A sigira fanga la kabini san 1851 fo san 1854. A ye san 3 ke fanga la.

Turukərə Mari Jara

Mənzən den don. A sigira fanga la kabini san 1854 fo san 1856. A ye san 2 ke fanga la.

Bina Ali Jara

Mənzən den don. A sigira fanga la kabini san 1856 fo san 1862. A ye san 6 ke fanga la.

kege Mari Jara

Mənzən den don. A sigira fanga la kabini san 1862 fo san 1870. A ye san 8 ke fanga la.

Jnenəba II Jara

Da Mənzən den don
A sigirira fanga la kabini san 1870 fo san 1878. A ye san 8 ke fanga la.

Mamuru Jara

Da Mənzən den don. A sigira fanga la san 1878. A ye kalo 7 dərən de ke fanga la.

Masaloma Jara

Da Mənzən den don. A sigira fanga la kabini san 1878 fo san 1883. A ye san 5 ke fanga la.

16) Karaməgə Jara

Da Mənzən den don. A sigira fanga la kabini san 1883 fo san 1887. A ye san 4 ke fanga la.

Mari Jara

Da Mənzən den don. A sigira fanga la kabini san 1887 fo san 1890. A ye san 3 ke fanga la.

Denba Konare
Balikukalan baarada Bamako
Ka bə jətaa kunnafoseben
bəko 14 kənə, san 1987
zuwenkalo bəko

Mali jemufanga kamanagankow

Kabi Alifa Umar Konare tile ka se bi ma, n'o ye Amadu Tumani Ture tile ye, fən fila kelen bə ka naaw jə fa. Olu kelen bə kamanagankobaw ye. N bə fe ka kuma fanga sinamatən ntanya ni yuruguyurugu de kan. N'an ye nin taabolow ta kelen kelen, an bə taa a



Amadu Tumani Ture Mali jamanakuntigi

soro k'u kelen kelen si tə se ka to jamaa si kənə, o jamana ka bə nəgə la. Dunkojuguya kelen bə an ka jamaa baaradaw jəmaaw taalanw ye. Don o don, i bə men k'a dəw minēna k'u bila kaso la. Baaradaw jəmaaw fo ka se kənyerayew ma, minnu si kelen tə yen bi ko min ni hakilisigi bə taama. Bəs jərelen b'i senw kan barisa maa si sigiyərə jelen tə dunkojuguko sirateye la; Fən min fana bə maa dabali ban haali nin bəs la, o de ye ko sefawari bə miliyon kəmə-kəmə saalon de. Peresidan kərə Musa Tarawele dun n'a ka ko bəs, ale tile la, ni maa o

maa ka faso wari yurugulen tun sera miliyən tan (10) ma dərən, o tun bə jə ka faga de ! Aa ! maliko in. Bi, faso wari kelen bə bolofilaladunfen de ye. An bə nin fə ka da kunnafoniw de kan an bə minnu men ka bə kiiritigəlaw senkoro. A ka gelen kalo ka kuncə bi n'i mə men ko baarada jəmaa də walima kənyeraye maa də ma minə kə jəsin kasobon ma. Nka, o ko bəs fana bə taa laban fu la, barisa a dan ye o tigi k'a ka wari nanbaralen fan dəənin lasegin, walasa a ka hərənya bə lasegin a ma, kə bila ka taa a ka so. Aa maliba n'a kənəkow ! Fən min ye fanga sinamatənw ntanya ye, "polititənw bəs ko kən bə jamanakuntigi ka ton kənə", o ye ne ja siran barisa o bə jira ko balan si tə yen fanga ni kəkojuguya cə. Awa, ni wale o wale kəra juman ni juguman na, o ye bəs nə ye. O man kan. Jemufanga bəs taamaseerew ye fanga n'a sinamatənw de ye, n'an nəlu ma ko "opozisən". Fanga o fanga, ni kələsibaga tə ka ketaw la, a ka gelen i ka baara juman ke.

Tumani Yalam Sidibe

Kələsili : Bəkə nataw kənə, n da bəna se yuruguyurugu mögəw taabolo n'u minəbolow ma kelen kelen kə fasari aw ye : Baarada jəmədaw ; politiki madaw ; kənyaraye maaw fo ka se duwajə dəkun na. Kən bən.

U ko...

Djənə kənə, don te wolo don na, maa b'i diya bi, i b'i goya sini. Bamunan ni kasange cə, adamaden bəs ka djenatige ye yelema - yelemafən ye suko ni duguje cə !

Mamadu Dunbiya
Bamako wajulikelaba

"Ne bə n diya bi", i b'i fə "ne bə n goya bi" de jəna, nəntə wasoyərə te maa si la i soro hakejəgənw dəfə !

Namori Banba
Ka bə jəna (Sikaso mara la)

Balimaya ka di dere ! Maa kunkotigi, maa degunwaati ; maa banawaati, nə ma maa were siy'i dəfə min b'i ka dimi ka ka dimi ye, i ka dimi bə sigiyərəmya, barisa maakodim'i fana bə fara a kan !

El Haji Fode Seyidu Kənə
Bamako wajulikela kərə

Muso neninikelaba, muso dangalikelalaba, kənə denmuso furu, nəntə o be taa i ka du kənenini ni dangali du ye !

Mamadu Dunbiya
Wajulikelaba Bamako

An kənə jəni kən la jəru sərə nəgən na. An kə to Ala bolo. Ale de ye mənəbəbaa juman ye.

Pasiteri Taade Jaro
Bamako

An k'an janto : səgəsəgənjinjebana bə k'a kunbə Kokura !

Səgəsəgənjinjebana ye bana juguba ye Adamaden hakilitigi jumanw ka wulikajə tun ye min bila silatunusira kan an ka jamanaw kənə, farafinna ani naansarala. Nka bi, jateminə yà jira kà bə ka ye kokura ka caya. O ye jawulikun bə. O de kanma an sera karaməgə Majan Trawele ma, nàlə ye dəgətərə ye, a ka kuma an ye səgəsəgənjinjebana kan. A ka fə la, səgəsəgənjinjebana banakise bə sərə hadamaden yərə saba de la ka caya. Awa, o kelen kelen bəe nà ka bana cogoya don. A bə se ka sərə kolosira la. A bə se ka sərə kunsemə na. A bə se ka sərə fogonfogon na.

Nin səgəsəgənjinjebana yeyərə saba la, a min dənnən don, o ye fogonfogon ta ye. Ale de bə fogonfogon jimin ka ban, ka maa to a sen kan banadoni ni bana lajensen na siginəgən nw cəma, barisa ale ye bana ye min lajensen ka teli haali. A dan ye səgəsəgənjinjetə kà kaari tu a senfe ka teme. Nò kaari jara, banakisew bə bila kənə kan. Fijə b'u ta k'u jensen.

Bana in dun bə dən cogodi ?

Səgəsəgənjinjebana bə maa pasa i sen kan. A bə hadamaden lafu a-senw kan. Nkò nà taa bəe, taamaseere fila bə yen, nànlı yolu ye maa la, an ka kan ka tə ko jənjini dəgətərəso la. A fələ ye səgəsəgə gəlen kətigebali ye sufe waati jan kənə. Ni səgəsəgə ye tile tan ni duru ke maa la, kà to senna, an ka taa nà ye dəgətərəw bara. Olu bə kaari ta kà ko jənjini.


Taamaseere filan ye kaari yere ye. Nànlı ye joli dənnin ye maa min kaari la, an kana bilakasuma ke. An kà tigi lase dəgətərəw ma, olu kà ko bo kunpan na an bolo.

Kələsili

Nin taamaseere bəe kelen bə ka ke ma ka dəgətərəsolataa sababu ye, walima a fila bəe yeli nəgən fe.

Yali səgəsəgənjinjebana bə furakə wa ?

San kelenpe furakeli kətigebali bə bana in ban pewu. A dənnna ka bana to dakun o dakun na. Ladilikan min bə fə jama ye, o de ye ko nà dənnna dərənpe ko bana in bə maa nin na, an kò tigi lase dəgətərəso la. An kana a ko



bila ka məen, awa an kana a fə fana kān bə farafinfurake, barisa o joyərə tə la ! Ni se kera kenya tigilamaaw ma ni banabaatə ye, ani kà ka fura tali kələsi, a kà kà jəma san kelen kənə, a bə ban pewu ! Ni səgəsəgənjinjebana jugu ye, bana furakəbali te i nà fə Sida !

Kələsili

Səgəsəgənjinjebana yere fana bə se ka ke bana werə kələlo ye i nà fə Sida. Nka, hali o la, ni fura te Sidabana na, a nəfəbanaw (səgəsəgənjinjebana, sumaya ...) bə furakə. O fana bə to Sidabanato bə məen si la.

An bə se k'an yere tanga bana in ma wa ?

K'i yere tanga səgəsəgənjinjebana ma, o be teme sira jənjən saba fe. Ni ma min yò matarafa, a ka ca Ala fe, a tena fə e ma ko səgəsəgənjinjetə.

An ka nəgəkele ani kān tanga a ma. O kərə ye fən nəgəlen kana don an kənə dumuninfen na, awa, sisi gəlen fana kana dan an fogonfogon kənə waati bəe, i nà fə sikarati ni sira suguya werew. An kà dən ko nege joyərə bon-yara cogo o cogo an ka dinenatige la, kenya de nəgən te. A yera ko səgəsəgənjinjebana sigida kemətilada 90% bəe ye sikaratimingga, siraminna walima dələminnaw ye. O kanma, nànlı ma se ka lawa olu to yen pewu, o min

kafisa, an ka bəreba bə u la, o de kafisa !

An kanan balima səgəsəgənjinjetə ye kà to yen, nkan kān yere tanga a ma. O kərə ye kān k'u ladoncogo ladiliw jini dəgətərəw fe. Nòlu yàn bila sira taabolo min kan, an ka taa o fe. O de da ka di banabana la, barisa a bəle ka kenya sennateliya. O de kafisa a balima kenebaatəw fana ma, barisa a bələ tanga bana in ma.

An ka dəgətərəw hakilina jini an ka səgəsəgə kuntaala jan bəe kunkan. Bana werew bə yen, minnu taamaseere ye səgəsəgə ye. Hali mura. O kanma, ni səgəsəgə kuntaala jan b'i la, se dəgətərəw ma. Nà kera bana in b'i la, a furakeli na damine joona, kà ban pewu ka sərə a m'i so ci. Nà dun ma sərə i la, i be bə kunpan na.

Kələsili : Bi, fen də bə ka joyərə sərə an balofenw la min kasaara ka bon haali an ka kenya ma. O ye bəgənin. ye. Bəgə te dunfen ye, barisa yeləmacogo tə la an nugu kənə. A dun caman mana nəgən sərə an kənə, a bən kənəfən w bəe rənəgə. An bə ko o ko la dinenatige la, an kà dən ko kenya de nəgən te. I nà fə Nahawa Dunbiya bə fə a ka dənkili la cogo min, maa jugu t'i bali ko o ko la, bana b'i bali o bəe la.

Tumani Yakan Sidibe

Ka bɔ Kənədimini

Baganw bɔ fe ka Senekelaw sigi u sensabara kənə Kənədimini komini nà lamini na.

Kənədimini ye dugu ye min bε Segu kubeda fε. Nka mara cemabəli hukumu kənə, a kər'ā dama komini ye, min ye dugu 25 faralen ye nəgən kan, nà jama hake bε ben maa 12 300 (ba tan ni fila ni kəmə saba) ma. O jama ka baara fanba nəsinnen bε sene ni baganmara ni jago misenw ma. U ka fen senetaw ye sajə, keninge ani kaba ni malo ye. Nin senefen kofəlen ninnu bε bε sene nafa de kama, wa baganw fana bε mara u nafa kama.

O hukumu kənə, an ka kumadonsow ko u ka kuma də la, ko : « Dəgəjinina tə dəgəjinina ka futige ». O nà kər'ā be nəgən na. O siratige la, anw Kənədimini komini jama bε lajelen, fo ka se a kərefe komini təw jama ma, an bε welekan bila ka taa an ka komini dugu 25 baganmaralaw bε ma, ka fara an kərefe komini taw kan. Kabini Senekelaw mana u ka nətige damine, ani malokan, o ye bagantigiw fana ka baganw ka baloko nənen ye. Sabu ni maaw bəra forow la tile fε, bagantigiw fana n'u ka bangaw bε jigin forow kənə sufe, ka sənfən dun u sago la ka taa n'u yere ye. Fen min ye ko in maa kənənafiliyərə ye, o de ye, ko maa minnu ta ye baganw ye o maa kelen ninnu yere de fana ta ye forow ye. Nin yà ko maa kənəfafiliyərə ye. O tuma, nin bən hakili jigin bamananw ka kuma də la, ko : Ni dugu kunkolo yà dimi, dugutigi



Baganw ni forow bε ye cikela ka nafasorofenw ye. An k'u tanga gəgən maa

bø saalon, nka ni dugutigi kunkolo yà dimi, jən dun bø saalon ? » Nin fana nà kər'ā be nəgən na. O tuma, anw be wele bila maa hakilimaw bε ma, u kən deme an ka bagan folofoli la ka sərə senefenw ma don minenw kənə. Nəntə, a ko kelen be ka an yere kənənafil kosebə

haali. Ka də kan, baganw ni forow ye Senekelaw yerew ta ye.

Ala kə ko faamuyali hakili dən bε ma.

Amidu Tangara
Balikukalankaraməgə ka bə
Kənədimini, Segu mara la.

Balow

Hadamaden te kənəya balo nafamaw kə. Balow tilalen don kulu saba ye u jəci kanma :

Balo minnu bε farikolo yiriwa, kə ladon : sogomafenw. U bε sərə baganw na : sogo, sefan, jəgə, nənə anu nəgənnə werew.

Balo minnu bε funteni don farikolo la : tulumafenw : bagantulu, jiritulu i n'a fə nare, situlu, tigatulu, u n'u nəgənnaw.

Timiyafenw : mankala, di, kaba, malo, bananku, jiriden timinanw.

3) Balo minnu bε farikolo tanga :

nakəfenw : tamati, nkoyə, jaba, gan, nabulu u n'u nəgənnaw.

- Jiridenw : lenburu, namasa, mangoro, ntabakunba u n'u nəgənnaw; Nənə ni sefan ye balo dafalenw ye bawo fen minnu bε farikolo yiriwa, kə tanga, ka funteni don a la ; o fen ninnu bε be soro u la.

Nin balo kulu saba bε do ka kan ka sərə an ka dumuniw na, nən bə fe an fari ka barika, ka kənəya.

Balo nafa ta caya ye. Balo falenlenni te faamaya ye, wajibi don.

Loadilikan

An ka dumuniw ka kan ka saniya. An ka kan kən tegew ko sanni an ka bin dumuni na, o bən tanga banakisew ma.

Bana yəlemataw bε məgə minnu na, olu ka suman ka kan ka bə a dan ma.

Ka bə jətaa kunnafonisəben bəko 14 kənə, san 1987 zuwenkalo.

Malosene te bi ko ye Segu mara la

Segu malosenebaarada (Ofisi-iri) ni Kənədimini Senekelaw cesira yiriwalibaara ta fan fe.

Kənədimini ye dugu ye min be Segu mara la. A ni yen ce ye kilometre 20 ye tilebinyanfan fe. A dugumaaw ka baara fanbañesinnen be sene ni baganmara ani jago misenw ma. Tilema waati, u ka musow be nakəbaara ke.

Baaara ni cesiri ani nəgənfaamu be Kənədiminikaw ni nəgən ce.

O hukumu kənə, bolodin nəgən-mabaara min be Jamana baarada ni Segu malosenebaarada (Ofisi-iri) ni nəgən ce, o hukumu kənə Jekabaara sebennikela də ye taama ke Kənədimini komini ni ḥara komini kənə. Taama in daminenā desanburkalo tile 8, san 2003, ka taa bila a tile 13 la.

O tuma, minnu temena an ni Kənədimi seneklaw ce a yolu lamen.

Umaru Bari ka fə la, ale min ye senekela ye kabini nansaara-tile waatiw la, fo ka se bi ma. A ko sanni senekebaarako ka damine u fe Kənədimini, u tun be malo sene u bolo la u ka lew kənə. A ko senekebaarada maa faamuyalenw nana fala suma. Nka walasa Senekelaw ka maloforo sərə, u tun be metere 12 seleke naani (12 m²) sene. Nò tun kera, i tun be maloforo sərə. Umaru Bari ka fə la, o metere 12 seleke naani fila tun mana sene

gatigi min nà ka jama fe, olu tun be taari kelen sərə, sabu o waati yà sara gaw ma fara-fara nin cogo la. Umaru ka fə la, u tun be metere 12 seleke naani wele o waati ko taasi. O taasiw bəgə de farala nəgən kan kə ke digi ye. A ko kə ta Tamani ka taa a bila Dugukunna, digi fen o fen be fala kənə, olu bəe dilanna ni piki ni pelu ye; mansin nə kelen tə la.

Fen min tun ye maloforo yere baara sariya taabolo ye, o waati, jisara tun ye dərəme 25 ye taari kelen na. A torò la ka na a yelema kə ke dərəme 50 ye. Umaru Bari ka fə la, o waati, u tun be malo caman sərə, ka də feere ka lenpow sara, kə tə ke denbaya balo ye.

An ni Umaru Bari tilalen nəgən na, an ni Bajan Tangara kumana, ale fana ko di?



Sanni anw kənədiminikaw ni senekebaarada ka baara nəgənya ka damine, anw tun be fen caman sene, i nà fə : sajə keninge, kaba, tiganinkurun ani kantiga ni fini. Fen min ye olu sərəko ye, o waati la, nəgə tun be dugukolo la, sərəbaw tun be ke kosebə. Geleyako ta fan fe, o waati la, geleyaba tun te Senekelaw kan ni bana ni baarakelantanya te. Nka o fura tun be dugumaaw bolo.

Senekebaarada yere nana cogo di ?

Bajan Tangara ka fə la, saminejı tun mana bin ka ba fa kə walankata, ji tun be don u ka lew kənə. O senfe maaw tun be ntugunw wuli ka malo dan olu kan. Nòlu tun sera, u tun bələ kan. Maaw torò de la fo ka waati jan ke. O kəfə, seneko nədənbaa faamuyalen (Enzeniyeri) də tun be yən ko Amadu Koyita. Ale nà jənəgənw ye fala suma.

O Temenen kə, maa min fələ ye jisəngə minse Senekelaw la, o tun ye Farako Karamagə Tarawele ye. O bəlen kə ye, Bajan Tangara ye o nənabilə san 1960 jisəngə minəni na. O waati jisəngə tun be sara malo la, taari kelen o kelen, malo kilo 25.

Koləsili : Nin baara ninnu bəe kera ka kən san 1960 ne. O Temenen kə, san 1991 utikalo tile 8, Segu malosenebaarada (Ofisi iri) ye baara damine Segu mara la. Kə ta o waati la ka na se bi ma, a ni Senekelaw bolo be nəgən bolo yiriwalibaaraw sabatisiraw fe Bajan Tangara ka fə la, kabini Ofisi-iri ni Senekelaw ye baara

damine, u cesirilen be u ladili n'u demeni fe su ni tile. Ka də kan, kabini maloforo baarali mana damine, u ka lasigidenw be taa-ni-ka-segin la forotigiw ni nəgən ce, walasa k'ufafaamu baaraw taabolo la.

An ni Bajan Tangara faralen nəgən na, an ni Numujən Tangara fana ye nəgən kumaj nəgənya. Ale da sera yiriwalibaara caman ma u ka dugu kənə minnu sababu bəra Ofisi-iri la, i nà fə : balikukan, nakəbaara, galadon, safunədilan, baganmisənlatulə n'a nəgənna werew, a da ma se minnu ma an ye.

Ofisi-iri ni Senekelaw ce geleya sərətaw :

Maa ninnu da sera u ni Ofisi-iri ce geleya dəw ma, i nà fə jisəngə cəyali ani senekela min mana dəse a ka san kelen jisəngə sarali la, kə tigi ka foromine ka di maa were ma, ka fara malo sannifeere (tereti) dabilali kan, ani geleya misen werew, u da ma se minnu ma.

O Temenen kə, Kənədimini musow ka yiriwaliton sannifeere nənabəbaa Habi Jara fana da sera Ofisi-iri joyorə ma musow demeni na yiriwalisiraw fe a ka baarabolo duguw kənə, kərenkerennenya la, kənədinimi musow ka də kan, a kera sababu ye ka tilejaponpe kelen sigi Kənədimini san 2003, min nafolo fanba sarala « US-AID » fe. O Temenen kə, a ye musow deme sira caman fe.

Yusufu Fane

ne 4 nan to



ka baarada in donniwariko kanma.

Maakelenjuru talen si sara man kan ka bə sugulawari la. An bə jini « AW » jəmaaw bəe fe, u ka jamawari labaara ka ne. O bə to bənkola bə sabati « AW » maaw ni jəgən ce. O bəna ni « AW » kologirinyali nà kənə here barikali ye.

Dabedadaw k' u ka sərəw labaara ni sinijesigi hakili ye :

N balima cikelaw, aw kà dən ko sanw bə fəfə jəgən kə ka sərə u te kelen ye. A ka cə la, baarasan saba o saba minnu bə fə jəgən kə, i bə sərə a kelenpe de bə bəe nimisiwasa. Sanjihakə sərəta du-lonnen te adamadenw ka latige la. O de kanma, an ka kan kən miiri waati bəe walasa ka san gelenw nə juguw dəgəya an kan.

Nin jemukan in kənə, an bə taari dəw dajira aw la :

Baarasan Təmenen in jəna fan caman fe : sajə ; kenninge ; kaba ; samijefə malo ani kəori sərəla ka

caya.

O nafaolo sərətaw labaarako numan bə tali ke dabada kənə maaw bəe la, kerenkərennenya la, dabada jəmaaw.

Dabada jəmaa kelen bəe de ka kan ka se ka suman kilo 300 bila maa kelen kelen bəe təgə la san

balo kanma walasa a kana kənə lakodən.

Ka fara o hake kan, suman kilo 25 fana bə bila maa kelen kelen bəe təgə la dunnaw ka balakacun kanma. Fen min ye nafolo taasiraw ye, olu ye ninnu ye :

- sənekəmisiw sanni
- dabajana sanni
- lənpow sarali
- gaden də ka furunafolo sarali
- bolifen sanni...

Nafolo ye hakili lbaarafen de ye. O kanma, n bə jini cikelaw fe u k' u ka sərəw n'u ka nafolow labaara ni hakili ye, o bə to u bə nafa sərə u ka baaraw la. O bə to nw minnu fana sigilen bə u bilasirali kanma, anw bə nisəndiya.

Kan bən bəko nata

**Usumani N Tarawele
CMDT kalanfakuntigi
Bamako**




Ka bɔ Soroba

Nafoloko daminetɔ ka di nà laban ye.

Soroba ye dugu ye min be Kənədi-mini komini fe. A ni yen cε kilometere 4 nəgən ye tilebinyan fan fe. A dugumaaw ka baara nəsinnen be sene ni baganmara ani nakəsene ni jago misenw ma. Ben ni kenyane, ani nəgənfaamu be Sorobakaw ni nəgən cε. O siratege la, san 2001 ni san 2002 kera geleýaba ye Sorobakaw kan, kà sabayon ke « BNDA » ka juron ye, min tara kabini san 1992, nà nafolo hake be ben sefardi dərəmə miliyən saba (3 000 000) ma, min tun ka kan ka sara san naani kuntaala kənə, brisa anw bolo, wari caman tun te. Nkà ma se ka sara ka ben nò ye, kà sabu ke jetissese ye min ma dogo an ka jamana fan si fe. O hukumu kənə, « BNDA » ye juruseben di jurukannin « isiye » ma. O fana yà ka tənə fara a kan, kà ko ke su man di, tile man di ye Sorobakaw da la.

Jurukannina « isiye » ye wari min mine Sorobakaw la jurançon senfe, olu file :

Mekalo, san 2001, a nana misiw mine k' u lamera, n'u ko « sessi kənserti-watuwari ». O don, ko fɔ wari bəe lajelen ka sara. O ma je tua min, a ko ka sefardi dərəmə ba 10 sara a ka taji « Esansiəgən » ye. O fəlen, dugumaaw yà deli ni sefardi dərəmə ba 7500 ye, a yò misiw ka segin a kə. Tile tan ni duuru o kə, a nana tənden ɔ jini min təgə ko Kola. A yò ka misiw mine kò baga-baga kà be taa nəlu ye Segu, maaw farala o kan kà deli, a ko ka sefardi dərəmə ban tan (10 000) dà ma « esansiəgən » ye. O yà deli ni ba 5 500 (ba duuru ni kəmə duuru) ye, a yò fana mine. O kəfə, a nana don də sufe, ka tənden də ka misiw mine ka negə kolu la, ko fɔ ka ba duuru sara, nəntə a be taa nò ka misiw ye. O kuma fəlen, o yò wari sara a ye. O bəe Temenén kə,



Senekelaw ni BNDA be i n'a fo jin ni nen, u man kan ka taa ka nəgən to

nowanburukalo tile 19, san 2001, a nana « AV » nəmaa ni warimarala mine ka taa olu datugu kasō la Segu, ko ni wari bəe ma sara, kolu te bila. O kelen, olu fana ye jurumanitigw bəe təgə fo a ye. O kelen, a yòlu bəe wele ka taa olu datugu. O kera tuma min, dugumaaw wulfran ka taa delili la. O senfe, « porokireri » y'i kanto ko fo ka sefardi dərəmə ba tan (10 000) sara u kelen-kelenna bəe kukri, ko nò ma kε, k' u te bila. O fəlen, olu kelen-kelenna bəe ye ba tan (10 000) sara, maa 4, sefardi dərəmə ba 40 000 (ba bi naani). O temenén kə, jurumani tigi də ye sefardi dərəmə ba 22 sara, ka tila ka ba 24 « sekì » dà ma, kà taa o wari ta Bangi la densaburukalo tile 30, san 2002. O bəe kəfə, a ni zada rama cε 4 ni fulake fila nana nəgən fe dondo, ka misi 83 misiw ka taa nəlu ye. Olu taalen tile 3, a ye 52 feere olu la, ka 16 segin misitigw ma, ka kelen faga. A tə tora 14 ye, a yò lasegin « AV » nəmaa ma kò ta yòlu ye. N'i ye nin baara yere kecogo laje, ka tila kà ye ko « isiye » yere da ko juru in ye benkanjuru de ye, ka tila kà

ye ko ale ye « AV » nəmaa taw lasegin, o temenén kə, dugutigi fana ka misiw ma mine. Ne hakili la, nà fəra ko benkanjuru, o sariya ka kan ka bolo bəe kan. Nka nò bəra a la, kà ko girimanyora digi faantanw kan, o ye fən ye min ma ji hali dəənin.

A ye misiw feere tuma min, a yò fən ye. O kelen, an taara Bangi la, ka o nəmaa jininka, o ko an ka juru tə ye sefardi dərəmə ba kəmə ni tan ani kəmə wolonwula ni bi duuru ni kelen (d. 110 751) ye. N'i nin nafoo hake laje, kà fə ko misi 52 feerelen o kukri, ko dərəmə ma segin misitigw ma, o kənən kera ko ye min ye anw kənənafili kosebe. N'ka mana tige da o da la, anw tā da bila fən ka je sərə a ko la. Ka dà kən, a kələn bə geleyaba anw Sorobakaw kan nin san damadə in na : 2001, fo 2003 in kənə.

Nka an be don min na i nà fo bi, a ko be kiitigeso la jenabəli kama.

Ala kà labanko je.

Cəman Jara
Animateri ka bɔ, Soroba, kənədi-mi, Jomini na, Segu mara la.

Nanbaratō fila

Nin ye cē fila ka maana ye. Utun te bō dugu kelen kōnō. Fōlō, ko nanbaramasa, o tun be bō kōrōnfedugu. Filanan, ko bētadunmasa, o tun bē bō tilebindugu. Nka, cē fila ninnu tun ye njōgōn sōrō fen kelenpe min na, o y'u ka nanbara ye. A kelen si tun te nōnō jelen ke dēgē la. Nin de kanma, don dō, nanbaramasa ye bōre fa bumumugu la kōrōnfedugu, kō tō lase ni kōrimugu yeko juman ye, kō dasiri dewu, ka sōrō k'i kanto a ka denbaya ma ko : "n bēna taa aw dayirime bō fadensago dō kun bi ceyadōgōfiye" ! O waati kelen yā sōrō bētadunmasa fana be k'i laben tilebindugu ceyadōgōfiyetaa kanma. A fana ye bōre fa faramugu la, kō tō lase ni kōgōkise hakenin ye, kō dasiri, ka sōrō k'i kanto a ka denbaya ma ko : "n bēna taa dō ka je kā bolo fin ye ceyadōgōfiye kān dayirime bo o tigi kun, hali nā yere ka denbaya be san tō ke kōngō la" !

Nin cē fila y'u ka faliw laben ka ceyadōgōfiye magen. U bēs ye kuluw yelen, ka kuluw jigin ; ka fu gakenew lateme ani ka teme sen ca-

man kan. Walahatile y'a sōrō ceyadōgōfiye falen be cē ni musow ni denmisēnwaani maakōrōbaw la, i ndō dōdakōnōjinw. Dōw be sanni na waati min, dōw fana be ko werew kan kō njōjini o waati kelen na. Dōw sewaati dōgōfiye kōnō o bē ben dōw bōwaati ma, sabu bēs n'i wulitumā don. Awa maa te maa jininkia i taakun na dōgō la, sabu maa bēs n'i mako de bē yaala.

Ala yā ke nanbaratō fila ninnu bēs jiginyōrō taara bēn dōgōfiye nsanansunba kōrōla ma. Yēn ye cēw ka nunkōrōsi wuliyōrō de ye sanni u ka sugu janjow damine : diji ; njōdōlō, fo ka se banji ma, ka fara sen naanimafen bēs sogo kan, o bēs tun be nsanansun in kōrō haali. Kōrōnfe Nanbaramasa ni tilebinfe Bētadunmasa ye njōgōn sōrō yen de. Ala yā ke masala donna u ni njōgōn cē, fo ka tō laban yekokelen teriya la. U y'u dantige njōgōn ye. O sen fē, u kelen kelen bēs tun be kā fō u kōnō ko "n ka sugu diyara" ! u bēs bolofenw kera njōgōn kanufen ye. Na n b a r a m a s a y'a ka kōrimugubōre falen Bētadun-

masa ka kōgōbōre la. U ye njōgōn fo, k'ū kō di njōgōn ma, k'ū bōduguw sēgērē. Sirafé, u kelen kelen bēs tun be kā fo ko : "Aa, ni nalomaya ye adamadenya degun ye, naloma-kōkejōgōnya koni njōgōn here tē, sabu a bē walifen juman dō falen walifen jugu dō la" !

Aa ' i kā dōn, u bēs selen u ka duguw de kōnō sa, ka don u ka duw kōnō, k'ū yere lakooli u ka dudenw fē, fali bōra sange kōrō u bolo yen de barisa, kelen kelen bēs yā ye kāle de ye dējē sōrō sanu nō na nanbara - feere - njōgōnma in senfē. Ladi likan, yereladikan, min nana u bēs la o yorōnin na, u kunmasunlilen u ka denbaya kōrō, o de kēra nin ye : "jana fila bēnyōrō lankolon tē, a b'u fila bēs sigi jigilatige kēnē de kan. O de kanma, ladiriya de njōgōn te barisa ale de bē mōgō sōn sōnfen nafanma na" !

Tumani Yalam Sidibe

Ni Mamuru Sangare

(Ka bō golobilaji)

de ye maana in sēben aw ye

An ka jekabaara kalan

Jekabaara ye kunnafoniseben ye min jōyōrōba be anw ciklaw ka faamuya sōrōli la dīnenatige taasira jōnjōnw kan. O kanma, an ka kan kā kalan. An ka kan ka jekabaara kalan kā kōnōkōw matarafa. Jekabaara kōnō, an bē yōrō werew kunnafoni sōrō, kā dōn baara be kē cogo min na o yōrōw la, an'u be nafa min sōrō o ld. O bā to an fana be se kān yere sanga u ma. Dījē kōnō, ni sanga njōgōn te maa o maa la, o tigi te taa ne barisa kēta bēs ka jī ale bolo. Sanga njōgōnma de bā to mōgō bā dōn kī be baara min na kō ba ka kē a jēma. N bē misali ta an ka kōrisenēnaw kan, i nā fō Ku cala nā njōgōnnaw. Hali sigida ji sigidaw tōnēbōcogo nakōsēnē siratē la. An bā men cogo min na, baaraw kēcogo te kelen ye Biriko mara nō yōrō tōw kōnō. Furancé jan de bān ni u ni njōgōn cē. Jekabaara kunnafoniseben de dun bēna a to an nō yōrōw bēna bō njōgōn nunma baara kēko juman siratē la. O de kanma ne nisondiyalen bē ni jekabaara ka Biriko mara lasōrōli ye. Ala kā ko ke jētaako ye. Ala ka barika don a ko la. N bā jīni jekabaara sēbenbagaw yere fana fe u ka se an ma waati ni waati walasa kān fana ka duguw nān ka komini kōnō kunnafoniw ta k'ū jēsen, walasa yōrō were maaw fana be bō an kalama.

Jekabaara

Labolikuntigi Sēben jekulu kūntigu

Tumani Yalam Sidibe

Sēben jekulu

Yusufu Fane

Bakari Sangare

Usumani N Tarawele (CMDT)

Tumani Yalam Sidibe

Dēmēnjōgōnw

Fanta Kulubali

Idirisa Setigi Sako

Bonifasi Danbele

nēgenw kēbaga

Yakuba Jara ko Kayi

Labenbagā əridinateri la

Worokiyatu Sē

Baarakēnjōgōnw

CMDT-World Vision - Ofisi Nizeri -

Ofisi irī - OHVN

Hake bōta : 11000

Bataksira : 2043

Negejurusira : 229 62 89

Jamana baarada - Seki zayedī tōgōla

sira - Hamudalayi kin - Bamako